




№ 4

Б О Р Т Л

1887

ԲՈՎԱՆԴԱԿՈՒԹԻՒՆ

№ 4

ԽՐԻՄԵԱՆ ՀԱՅՐԻԿ «Աղբիւրի» գրական ալբոմ:

Զ Ա Տ Ի Կ

Յանքոցի երգ (բանաստեղծութիւն)	Ա. Մ. Եզեկեան
Սէբը Մաճկալ (Աէօլարգի) Կատակ	Ա. Մ. Եզեկեան
Տանտիկին	Հասո
Քեօրօղլին ջրաղացպան (մի արկած քեօրօղլու կեանքից)	Ղ. Աղայեանց
Գառնուկ	Աշխէն
Գարնան պատկերներ (Բանաստեղծութիւն)	Աղ. Մատուրեան
Օր. Ուսանեա թամամշեան (կենդանագիր)	
Մի թերթիկ անցեալից	Աւ. Արասխանեանց
Տիկին Լիւիսի թուժակը (Թարգ. Փրանսերէնից)	Օր. Սաթ. Շխեան
Յովհաննէս Հուս (շարունակութիւն)	Փ. Վարդանեան
Աւանդութիւն (Յ. Կրաշելսկուց)	Ամբրոս

ԳԻՏՈՒԹԻՒՆ

Ընտանեկան զրոյցներ, (Դիսանդէից) Խաչիկ

ՏԵՂԱԳՐԱԿԱՆ ՆԱՄԱԿԱՆՆԵՐ

Հօտ Լ. Նախիբ. Բ. Ն. Տէր-Աւետիքեան

ՀԵՏԱՔՐՔԻՐ ՏԵՂԵԿՈՒԹԻՒՆՆԵՐ

Րումինիայի Թագուհու Հեղինակութիւնը, Լիմօնները լաւ պաշտպանելու համար, Հին բրօնզէ առարկաներին նոր կերպարանք տալու միջոց: Նախ: Ամբերիկայի Սենատի անդամ Ստանդուրֆ:

ԶՈՒԱՐՃԱԼԻՔ

Հանելուկ: Առաջարկութիւններ: Բեբուս: Շղատասելուկ: Սպասում ենք:

ԵՐԿՐՈՐԴ ԲԱԺԻՆ

Ընդածին հակումները կը թուժեան մասին . . . Ա. Բէկնազարեան
Մի տարի Շիլլիցարեալում («Մշակից») Գ. Արծրունի
Նրկըրաշարժ հարաւային Թրանսիլանիա և Խաւիլանիում ու Ֆլամմարեոնի գեկուցումները: Մահացուցալ. Օր. Ուսանեա թամամշեան: Խառն լուրեր. Յարութիւն Սվանան: Չմկեանի յօրելանը: Աղամեանի դասախօսութիւնը: «Լեզու», «Հանդէս Ամսօրեայ»: Կրաշելսկու հոգեհանդիստը Թիֆլիզում: «Աղբիւրի» նօտաները եւ պալատական երաժիշտներ: Քնարիկ Մանկական: Մեր հրատարակութիւնները: Արութիւն եւ Մանուէլի բաժանորդները: Քեօրօղլու երգերը: «Մանկավարժանոց»: Արեղնազան: «Բուր. Ման.» Ռուսաստանի բաժանորդներ: «Աղբիւրի» առաջիկայ №-ը եւ 1886 թ. «Աղբիւրի» թղթակցութիւնները:

ՅԱՅՏԱՐԱՐՈՒԹԻՒՆՆԵՐ

ԽՄԲԱԳՐՈՒԹԵԱՆ ԿՈՂՄԻՅ

Ներկայ №-ում տպուած ընթերցի առաջին կարգացողը կը ստանայ 25 (քսան հինգ) ընթերցի հայերէն գրքեր: Բացատրութիւնը պէտք է լինի բոլորովին ճիշտ և սլաք: Միայն մեր բաժանորդները իրաւունք ունին ստանալ յիշեալ ընծան:

Տպագրութեան համար պատրաստ է

ՈՐՈՒԹԻՒՆ ԵՒ ՄԱՆՈՒԻԼ

ՍԶԳԱՅԻՆ ՎԵՊԸ

Սրա մի մասը քսան տարի առաջ տպագրուեցաւ կիսատ-պըռատ և տպագրական սխալներով լիքը, բայց այսու ամենայնիւ կարգէ դուրս ընդունելութիւն գտաւ, և ամենքն էլ անհամբեր սպասում էին երկրորդ մասի տպագրութեանը: Այժմ թէ առաջինը և թէ երկրորդը միացրած, լրացրած և ամբողջացրած է. օժանդակող ձեռքերի է սպասում, որ լոյս տեսնի: Բաժանորդագրներ երկու մասէն է. կարելի է ուղարկել «Աղբիւր» խմբագրութեանը և Կենդրոնական Գրաւիճարանօրոյն: Ամեն մի տասը բաժանորդ գտնողը կամ գրողը մի օրինակ ձրի կըստանայ: Մասնաւոր նամակով դիմած չենք մեր ծանօթներին և բարեկամներին, յուսալով որ նրանք ինչ որ կարող են անել՝ կանեն:

Ղ. ԱՂԱՅԵԱՆՏ

ՄՇԱԿ

Հրատարակւում է Թիֆլիզում, Նոյն դերքով և Նոյն պրոգրամայով: «ՄՇԱԿ» տարեկան գինը 10 ռ. է, վեց ամսուանը 6 ռ.

Գրուել «ՄՇԱԿ» կարելի է ԽՄԲԱԳՐԱՏԱՆԸ (Բարօնսկայա և Բազարնայա փողոցների անկիւնում, Թամամշեվի տանը):

Կայսերութեան ուրիշ քաղաքներեց «ՄՇԱԿ» գրուելու համար պէտք է դիմել հետևեալ հասցեով. ТИФЛИСТЪ, Редакция газеты «МШАКЪ». իսկ արտասահմանից. Tiflis. Rédaction du journal arménien «MSCHAK»

Խմբ.-հրատարակող՝ ԳՐԻԳՈՐ ԱՐԾՐՈՒՆԻ




Պատկերապարզ հրատարակութիւն ամիսը երկու անգամ՝ տարեկան գինը 4 ռ.: Հրատարակւում է Պօլտուժ, ստորագրուել կարելի է «Աղբիւր» ամսագրի խմբագրատանը:

ԽՄԲԱԳՐՈՒԹԵԱՆՍ ՄԵՋ ՎԱՅԱՌՎԱՆԻ ՄԵՐ ՀԵՏԵՒԵԱԼ ՀՐԱՏԱԿՈՒԹԻՒՆՆԵՐԸ

	ռ.	կ.
1) «Աղբիւր» 1883 թ. փառահազմ	10	—
Նոյնը անկաղմ	8	—
2) « 1884 թ. փառահազմ	4	—
Նոյնը անկաղմ	3	—
3) « 1885 թ. փառահազմ	10	—
Նոյնը անկաղմ	8	—
4) Փայտաշէն խրճիթի՝ սպիտակ տունը (Զեմ Գաբրիելի կենսադր.) պատկերապարզ	60	—
5) Հսկայ մըջիւն (պատկերապարզ)	40	—
6) Ժան Բատիստ Լեւիէի մանկուծիւնը	10	—
7) Ոսկի ձկնիկ I սերնա	30	—
Նոյն II սերնա	05	—
8) Բուսական տշխարհից՝ մշակուած և անմշակ ծառի կեանքը	30	—
9) Զարաձձի Արամի արկածները (38 պատկերներով)	50	—
10) Ֆրէտոֆ դիւցազն (հօրմանական հին զրոյց, պատկերապարզ)	40	—
Ն. Տ. ԱԻԵՏԻՖԵԱՆ Քնար խօսնակ	50	—
ԼԻՏՎՈՍ Պօլնանի ուսուցչի օրագրէց	20	—
ԱԼՖՈՆՍ ԳՕԻԵ Երկու մանրակայ	15	—
ԱՆԳԵՐԱՆԻ Սոխակ և խողարած	20	—
ԴԻԿԵՆՍ Հարս և սկեսուր	15	—
Կ. Մ. ՇՈՂՍՉՈՐԵԱՆ ՂԸԼԸԳԻ կընաննց պընը-փէշակը (Ղաւաքաղի կեանքէց)	20	—

ՀԱՐՈՒՆԱԿՎՈՒԹ Է ՆԵՐԿԱՅ 1887 ԹՈՒՆԿԱՆԻ ԲԱԺԱՆՈՐԴԱԴՐՈՒԹԻՒՆԸ



ՄԱՍՄԱՆԱՅ ՊԱՏԱՆԲԱՋԱՐԻ ՀԱՆԳԻՍԻ

(ՆԵՐԻԱՆՆԵՐԻ ԵՒ ԴԱՍՏԻԱՐԱԿՆԵՐԻ ՀԱՄԱՐ)

Հ Ի Ն Գ Ե Ր Ո Ր Գ Տ Ա Ր Ի

Տարէնը լոյս է տեսնում 12 համար, 3—4 տպագրական թերթից յւրաքանչյւր համարը)



Երկայ 1887 թուականից «Աղբիւրը» կը հրատարակուի նոյն ուղղութիւնով՝ անհամեմատ շքեղ քան նախորդ տարիները, զիրքն աւելի մեծացրած, փոխանակ 2—3 թերթի՝ 3—4 թերթ, և ծնողների բաժինը կը հրատարակուի՝ տարին երեք անգամի փոխանակ, ամեն ամիս առանձին տեսարաններով:

Պրէմիաները կը լինին մեր թարգմանչաց՝ սրբոց ՍԱՀԱԿԱՅ և ՄԵՍՐՈՎԲԱՅ մեծազիր (62 տանտիմ երկարութիւնով և 45 ս. լայնութիւնով) փիմաղրուած պատկերները: Այդ պրէմիաներն արդէն պատրաստ են և բաժանորդ զրուողն անյապաղ կը տանայ թիֆլիզում լամբաղատանը, իսկ օտարաքաղաքացիներին կուղարկուեն բաժանորդագիրն ստանալուց յետոյ իսկոյն:

ԲՈՎԱՆԴԱԿՈՒԹԻՒՆ

ՄԱՍՆ ԱՌԱՋԻՆ

I) Վէպեր, մանրավէպեր, պոէզիներ, առակներ, հէքեաթներ, ճանապարհորդութիւններ, կենսագրութիւններ: II) Բանաստեղծութիւններ: III) Գիտութիւն և արուեստ: IV) Հեռաքրքր անդեկութիւններ: V) Այլ և այլք: Զ Ո Ւ Ա Ր Ճ Ա Ն Ի Ք

VI) Մանկական, ֆերթէլեան, շախմատի և այլ խաղեր, բերուսներ, թուաբանական խնդիրներ, Անեկդոտներ, Հանելուկներ, շուտասելուկներ: VII) Ներքեր՝ ճայնագրած (նօտաներով):

ՄԱՍՆ ՆԵՐՈՐԴ

VIII) Կըթութեան և դաստիարակութեան վերաբերալ յօդուածներ և անդեկութիւններ: IX) Առաջարկութիւններ, խորհուրդներ: X) Մատենախօսութիւն և նոր գրքեր: XI) Խառն լուրեր: XII) Պատասխաններ. Յայտարարութիւններ:

Դարձեալ կը խնամենք՝ որ թէ ներկայ 86 եւ թէ անցեալ 85 թուականների պէս տարուայ հէնց սկզբից տախտկած չլինին «Աղբիւրի» բաժանորդատրութիւնը յաղաքեցնելու ՌՆՆ-ի ՍՊԱՌՄԱՆ ՊԱՏՃԱՌՈՎ. խնդրում ենք մեր բաժանորդներին վերանորոգել, եւ թէ նոր կամեցողներն աճապարեն առորագրուել, որպէսզի մանր եւս կարող լինին մօտաւորապէս որոշել տպուելու օրինակների քանակութիւնը:

«Աղբիւրի» տարեկան բաժանորդագրինը 3 ռ. է, անբաժան են գըրանցից և պրէմիաները, որոնց գինն է 2 ռ. ուրեմն «Աղբիւր» ստանալ կամեցողները պէտք է ուղարկեն թէ «Աղբիւրի» տարեկան բաժանորդագրինը և թէ պրէմիաների վճարը ընդամենը 5 ռուբլի:

Հասցէն՝ Типописъ, Редакція «Арбюръ», իսկ արտասահմանից՝ Tiflis (Caucase) Rédaction du journal «AGBUR».

Թմբագիր-Հրատարակիչ՝ ՏԻԳՐԱՆ ՆԱԶԱՐԵԱՆՅՑ

ԱՂԲԻՐ

ՄԻԱՄՍԵԱՅ ՊԱՏԿԵՐԱԶԱՐԴ ՀՐԱՏԱՐԱԿՈՒԹԻՒՆ

ԵՐԵՐԱՆԵՐԸ

ԵՒ

ԴԱՍՏԻԱՐԱԿՆԵՐԻ ՀԱՄԱՐ

ՀԻՆԳԵՐՈՐԴ ՏԱՐԻ

№ 4

ԱՊՐԻԼ

ԹԻՖԼԻՉ

ՅՈՎՀԱՆՆԵՍ՝ ՄԱՐՏԻՐՈՍԵԱՆՅԻ ՏՊԱՐԱՆ

ՕՐՐԵՆԵՆ ՓՈՊՈՑ, № 1 | 2

1887



ԽՐԻՍՏԵԱՆ ՀԱՅՐԻԿ
«ԱՂԲԻԻՐԻ» ԳՐԱԿԱՆԱԿԱՆ ԱՂԲՈՄ

Дозволено цензурою, Тифлисъ, 29 Марта 1887 г.
Типографія И. Мартиросіанца, на Орб. ул., д. № 1 и 2

ՔՐԻՍՏՈՍ ՅԱՐԵԱՒ

Ի ՄԵՌԵԼՈՅ

մաշուամբ զմահ կոխեաց և
Յարութեամբն Իւրով մեզ
զկեանս պարգևեաց:

Յոս. Ժամատար

Եթէ ոչ հատն ցորենոյ անկեալ
յերկիր մեռանիցի, ինքն միայն
կայ, ապա եթէ մեռանիցի,
բազում արդիւնս առնէ:

Աւետարան

ՅԱՆՔԱՅԻ ԵՐԳ



ըմեռն անցաւ, թող տաք գոմըդ,
Թափէ թըմբեր, ել.
Հերիք, կողքիդ շատ երկընցար,
Զարթիւր, մշակ, ել.

Գարնան շունչը մըտաւ ախոռ,
Ել, հողագործ, ել.
Աչքը դռան կողմ՝ մըղում է եզն,
Ել, սերմնացան, ել:

Դէհ, բերենք ու սարքենք
Լուծ՝ արօր, ցաք՝ մանկեռ,
Ու նորենք նորոգենք
Փոկ, զընջիլ, սամետէք:

Ել վեր, հօտաղ, քանդէ լըծկանն,
Դուրս տար՝ վաղէն լաւ,
Եղջիւրներով քանդեն հողը,
Բոռան կանչեն լաւ.
Սալ էլ լըծէ, քըշէ դաշտը,
Ուս ոտ բացուին լաւ,
Գերան լըծէ, քաշեն դէս դէն.
Էլ հերիք է, լաւ:

Դաշտը սև սևացաւ,
Սըրտէն գոլն հանում է.
Քըրտընքի օրն հասաւ,
Դէհ, տէրտէր, սերմն օրհնէ:

Լուսիկ սիրուն, արևն անուշ,
 Հողիկ կակուղ, օհ,
 Փրնչա՛ Սա՛րգար, փրնչա՛ Նա՛ղլի,
 Բացուէ՛ր աղօս, օհ:
 Հայի՛ Աստուած, Հայի մէկ յոյս,
 Բուսցու սերմիկս, օհ.
 Ոսկի Հասկէն ոսկի փրնջիկ
 Քեզ կրճօնեմ, օհ:

Եզ, արօր գընացին,
 Դարձան՝ ու էլ գընացին,
 Գընացին ու եկին՝
 Հայ Հողիկ վարեցին:

Մայր Հողիկ,
 Մեր սերմիկ
 Քեզ պահէ
 Աւանդիկ.

Երբ որ գայ
 Իւր պահիկ՝
 Յետ տուր մեզ
 Լիհատիկ:

Ա. Մ. ԵԶԵԿԵԱՆ



Ս Ե Ր Ը Մ Ա Ջ Կ Ա Լ

(Աէփարդէ)



Կ Ա Տ Ա Կ

Էրը մէկ օր գետին դրնց
Ջահըն և իւր նետերը,
Մի պարկ վերցրեց ու մի վարոց.
Ածեց արօրն՝ արտը հերկեց,
Լի լի սերմեց ակօսը,
Յետոյ դարձաւ երկինքն ի վեր՝
Այսպէս արաւ իւր խօսը.
Ո՛վ Արամազդ, լեր հովանի՝
Աջողեցուր վաստակըս,
Թէ չէ՝ նորից ցո՛ւլ կը դարձնեմ*,
Կըգաս կ'անես իմ վարըս:

Ա. Մ. ԵՋԵԿԵԱՆ

* Սէրը Արամազդին մէկ անգամ ցո՛ւլ էր դարձուցել,
երբ սա փինեկեցոց Ագենօր Թադաւորի աղջկանը — Եւորպա-
յին սերահարուած՝ միտքը դրել էր այդ կերպարանքով խա-
րել նորան և փախցնել: Այդպէս էլ արաւ. տարաւ նորան այն
աշխարհը՝ որ այնուհետեւ այդ աղջկայ անունով կոչուեցաւ
ԵԻՐՈՊԱ:



ՏԱՆՏԻԳԻՆ

«Մարդը որ կայ՝ ջրաղաց է, իսկ կինը՝
ալրատուն. եթէ ջրաղացի ալրատունն
անպէտք լինի՝ աղացած ավերը ջուրը
կըտանի»։ Աղբային տունը։

Լինում է չի լինում՝ մի կին է լինում և
ունենում է երեք որդի, երեքն էլ պսա-
կուած։ Մեռնում է ալի կինը, և որդիքը՝ խորին տխրու-
թեամբ իրանց մօրը թաղելուց յետոյ՝ մեծ հարսին, որի
անունը Նազանի էր, տ ա ն տ ի կ ի ն են կարգում։

Նազանին էր, հէնց տանտիկնութիւնը ձեռք բերաւ
թէ չէ, զուգուեց, զարգարուեց և տան վերի ճակատի
բազմոցի վրայ ծալապատիկ նստեց, չկամեցաւ այնու-
հետեւ մատը բանի դիպցնել։ Զուտով տան բարեկարգու-
թիւնը խանդարուեց. ոչ մի բան իր տեղը չէր. ամենայն
ինչ աքանց ցաքան վէր էր թափած. ոչ մի բան իր ժա-
մանակին պատրաստ չէր լինում։ Նախաճաշիկը մինչև
կըպատրաստուէր, ժամեր կանցնէին, այսպէս էլ ճաշին և
ընթրիքին։ Հաց, աման, դրդալ, աղ և այլ այսպիսի բա-
ները միշտ հարևաններից փոխ առնելը մի շատ սովորա-
կան բան էր դարձել։ Զուտով Նազանին իր նազերով
տանեցոց և բոլոր հարևաններին ատելի դարձաւ։ Եղ-

բայրները տեսնելով որ էլ համբերել անկարելի է, իրանց մօր ամեն բարուլթիւնով լիքը տունը դատարկուել և անկարգութեամբ հողի է հաւասարուել՝ մտածեցին, և միջնէկ հարսին՝ Նարմանագուկին կարգեցին տանտիկին:

Նարմանագուկը՝ հետեւելով Նազանուն՝ դեռ գերազանցեց էլ. ինքը ոչինչ չէր շինում, և ուրիշների արածի վրայ էլ սաստիկ տրտնջում էր ու վատաբանում: Այսպիսով տան խանգարուած կառավարութիւնը աւելի ևս վատացաւ և հարեւաններն էլ երես դարձրին, տեսնելով Նարմանագուկի վարմունքը: Վերջապէս մտածեցին եղբայրները, և փոքր հարսին՝ Հերիքնազին ընտրեցին տանտիկին:

Հերիք-Նազն էր, հէնց տանտիկին կարգուեց թէ չէ, ամենից առաջ ասաց. «Ինչ որ Նազ արինք՝ Հերիք է. այժմ ամեն մարդ պէտք է գործ կատարի. գործ չկատարողին և դատարկ տուն եկողին ոչ տեղ և ոչ հաց կայ. համաձայն էք»: Բոլորը միաբերան պատասխանեցին. «Համաձայն ենք, համաձայն. միայն թէ մեր տան մէջ կարգ ու կանոն լինի»:

Հերիքնազը իսկոյն թւերը վեր քաշեց, սկսեց ամենայն ժրութեամբ տունը սարքի ու կարգի մէջ դնել: Զուտով ամեն բան կարգի ընկաւ և տունը ծովի նման ծփում էր զանազան բարիքներով. Աստուծոյ արարած աշխարհի մէջ բան չկար որ տան մէջ չգտնուէր: Հերիքնազի կառավարած տունը Հայր Աբրահամի տունն էր դարձել. ով տեղապէտի, կամ մի հագուազիւտ բանի պէտք ունէր, դիմում էր Հերիքնազին և անկարելի էր, որ դատարկ լետ դառնար:

Մի օր եղբայրներէց մինը՝ դաշտից տուն վերդառնալիս՝ չկարողացաւ մի բան գտնել տուն բերելու, վերջապէս ճարահատած՝ մի սատկած օձ գտաւ և բերեց ու բաւկի մէջը ձգեց: Արագիւր թռած տեղից տեսնելով օձին,

վայր իջաւ և կտցին բռնած մի բան վայր ձգեց: Տանտիկինը իսկոյն շտապեց իմանալ, թէ ինչ էր արագլի տարածը և ինչ վայր ձգածը. և, աչքդ բարին տեսնի, մի մանեակ՝ թանգագին ակներով ու գոհարներով զարդարուած: Հերիքնազը իսկոյն վեր առաւ և թաշկինակի մէջ ծրարելով, առանց ուրիշին ցոյց տալու՝ տարաւ դրաւ պահունի բաների արկղի մէջ և արկղն էլ լաւ կողպեց:

Դեռ օրը չէր մթնել, մունետիկը փողոցներով պտըտփում էր ու աղաղակում. «Թագաւորի աղջիկը այսօր պարտիզում զբօսնելիս՝ իր անգին ակներով զարդարած ոսկի մանեակը վայր է դրել իր վերնազգեստի վրայ, և մի տրագիլ կտցել է ու թռել. Աստուած սիրողը, ով գտել է, թող տանի՝ Թագաւորին տայ, ստանայ հսգար ոսկի ու Թագաւորի շնորհը»:

Հուտով ձայնը հասաւ գիւղը, որ Թագաւորի քաղաքից շատ հեռու չէր: Հերիքնազ մեծ տագրի հետ գնաց Թագաւորի պալատը և տագրի հետ Թագաւորին ներկայանալով՝ երեք անգամ գլուխ տուաւ ու ասաց.

«Թագաւորն ապրած կենայ. ահա մանեակը, որ ես գտել եմ. ատացիր և յանձնիր քո խաթուն աղջկան ու պատուիրիր, որ թանգագին հանդերձով ու մանեակներով պարտիզում չզբօսնի պարապ. մացառները հանդերձները կը պատռտորեն, իսկ արագիլը մանեակը կը թռցնի»:

Թագաւորը և մեծամեծները տեսնելով Հերիքնազի իմաստուն և փտահ խօսուածքը, շատ դովեցին նրան և Թագաւորն ասաց. «Աղջիկս, ինչ որ կամենում ես, մինչև անգամ քո կշռով ոսկի, ուզիր ինձանից»:

«Թագաւորն ապրած կենայ, ասաց Հերիքնազը, քո շնորհիւ իմ տունը լիքն է ամեն բարութիւնով, ինձ ոչ ոսկի է պէտք և ոչ ուրիշ մի բան, բայց միայն քո առողջութիւնը: Բայց եթէ շատ ստիպում ես, տո՛ւր ուրեմն միայն հազար ոսկին, որ մունետիկը բերանով խոս-

տացած էիր գտնողին, որ մարդիկ իմանան թէ աշխարհիս մէջ անպէտք բան չկայ, և անպէտք, սատկած օձն էլ կարող է հազար ոսկի ստանալու պատճառ լինել»:


Թագաւորն ուրախութեամբ տուաւ՝ ինչ որ խոստացել էր և հրամայեց պատմել, թէ ինչպէս է գտնուել մանեակը: Հերիքնազը պատմեց իր սկեսրի մահից յետոյ մինչև իր թագաւորին ներկայանալու դէպքերը:

Թագաւորն աւելի ևս հաւանեց Հերիքնազին, որդեգրեց նրան և ասաց. «Ահա, արդարեւ, ժրագլուխ կին՝ որ իր մարդու գլխի պսակը կարող է լինել»: «Մարդս որ կայ՝ ջլաղաց է, իսկ կինը՝ արատուն. եթէ արատունն անպէտք լինի՝ ալիւրը ջուրը կըտանի»:

ՀԱՍՈ



ՔԵՕՐՕՂԼԻՆ ԶՐԱՂԱՑՊԱՆ



(Մե արկած Քեօրօղլու կեանքից)

Էկ անգամ Քեօրօղլու ծառաներից մէկը՝ Քաչալ—Համզան՝ փախել էր։ Քեօրօղլին հեծաւ Սևուկը, որ իր ընտիր ձիաներից ամենից լաւն էր, և ընկաւ Համզայի ետեւից, որ բռնէ նրան և պատժէ։

Համզան դեռ շատ չէր հեռացել։ Նա յետ մտիկ տուաւ, և տեսաւ որ հեռուից թող է բարձրանում ամպի պէս, իսկոյն գլխի ընկաւ, որ Սևուկի բարձրացրած թողն է այն, ուրեմն ուր որ է՝ Քեօրօղլին պիտի հասնէ և բռնէ նրան։ Հնար չկար փախչելու։ Նրա բախտից՝ նոյն տեղը մի ջրաղաց կար, վաղեց մտաւ ջրաղացը, երես-մի-րեսը տլրաթաթախ արաւ, շորերն էլ նոյնպէս, և այսպէս կերպարանափոխուած՝ դուրս եկաւ կանգնեց ջրաղացի դռանը։

Քեօրօղլին ձին քշած եկաւ և Համզային պատահելով՝ հարցրեց, թէ՝ «Այս ու այս նշանով մարդ չանցնաւ արդեօք»։

— Ի՞նչպէս չէ, պատահականեց Համզան, քո ասած նշաններով մի մարդ մտաւ այս բոպէիս իմ ջրաղացը։

— Ուրեմն, բռնիր ձիս, ասաց Քեօրօղլին և իջաւ ձիուց։

Ձին թողեց Համզայի ձեռքին, իսկ ինքը մտաւ ջրաղացը. տեսաւ որ այնտեղ ոչ ոք չկար, դուրս եկաւ, որ բարկանայ ջրաղացպանի վրայ. բայց կեղծ ջրաղացպանը, այսինքն Համզան՝ արդէն Սևուկի վրայ էր։

— Անպիտան, ինձ խաբեցիր՝ բաւական չէ՞, Համար-
ձակեցար Հեծնել նաև իմ Սևուկս, ասաց Քեօրօղլին
բարկութեամբ:

— Հատ մի՛ խօսիր, պատասխանեց Համգան, այժմ
Քեօրօղլին ես եմ, իսկ դու գնա Ջաղացպանութիւն
արա. նայիր միայն, որ լաւ աղաս, կորկոտ չանես: Այս
ասելով՝ Սևուկի գլուխը շրջեց ըստաՀակ ծառան և... այ-
սօր ես անյայտացել, թէ էգուց...

Քեօրօղլին նոր գլխի բնկաւ, որ փախչողը և իր սի-
րած ձին փախցնողը Համգան էր, բայց էլ ինչ կարող էր
անել: Նա քանձ քանձ ծիծաղելով իր միամտութեան վրայ,
գլուխը թափ տուաւ և մտաւ ջրաղացը: Քեօրօղլին սովո-
րութիւն չունէր յոսանՀատուելու. այս տեսակ դէպքերը
ներա միշտ ուրախ ու գուարթ տրամադրութիւնը չէին
խանդարում: Նա տեսաւ որ ամբարը լիքն է ցորենով,
բայց ջրաղացպանն ուրիշ տեղ է գնացել, ջուրը կա-
պեց նաւի մէջ և բան ձգեց աղօրէքը: Երբ որ չանչախն
սկսեց իր ներդաշնակ չխչիկոցը, Քեօրօղլին նրան սաղի
տեղ Համարեց և սկսեց երգել Հետևեալ երգը —

Ա՛յ Քեօրօղլի, ջան Քեօրօղլի,
Ա՛յ Քեօրօղլի, ջան Քեօրօղլի,
Քեզ խաբեց Համգան Քեօրօղլի, Հան, Հան, Հան,
Բայց որ դառար ջրաղացպան,
Կանչիր թող դայ դան Քեօրօղլի, ջան:
Ջան Քեօրօղլի, ջան,
Ջան Քեօրօղլի:

Մարդուս բախտն էլ ահա այսպէս,
Պտըտվում է ջաղացի պէս,
Մէկ օր ահռելի վիշապ ես,
Միւս օր ջաղացպան, Քեօրօղլի:

Բայց դու էլի Քեօրօղլին ես,
Փողովրդի սիրելին ես.
Թէկուզ ջաղացական էլ լինես,
Քեզ պատիւ կրտան, Քեօրօղլի:

Թէև Սևուկիցըզ զրկուած,
Բայց թուր ունիս վրադ կապած.
Համզան ստրուկ, թոկից փախած,
Իսկ դու ազատ խան Քեօրօղլի:

Մօտըդ կանչիր հսկաներիդ,
Հաւատարիմ կտրիճներիդ,
Թող զան դտնեն փախած գերիդ,
Չըկորչի Համզան, Քեօրօղլի:

Քեօրօղլու ձայնը շատ ահեղ էր: Այս երգը երգելուց
յետոյ բարձրացաւ ջրաղացի տանիքի վրայ և այնպէս որո-
տաց, որ նրա ձայնը սար ու ձոր դրմբացնելով՝ հասաւ մինչև
Չամլիբէլ, ուր գտնվում էր Քեօրօղլու անմատչելի բեր-
դը: Քեօրօղլու կինը՝ Նիգեար խանումը՝ որ շատ սուր
լսողութիւն ունէր՝ ամենից շուտ իմացաւ, որ իր ամուսի-
նը մի անակնկալ փորձանքի է հանդիպել: Իսկոյն իմաց
տուաւ քաջերին, որոնք մի ակնթարթում դուրս թա-
փուեցան բերդից և հասան իրանց խմբապետին: Դրանց
մէջ նշանաւոր էին Դամուրջօղլին, Իսաբ-Ալին և Գղիբ
օղլի Մուստափա-բէգը: Երբ որ գնացին տեսան Քեօրօղ-
լուն ջրաղացականութիւն անելիս, Սևուկը խել տուած,
շատ ծիծաղեցին, և Դամուրջօղլին մի երգով շնորհաւո-
րեց Քեօրօղլու նոր արհեստը և նոր առուտուրը: (Որովհե-
տև Համզան Սևուկը փախցնելով՝ նրա փոխարէն իր ջորին
թողել էր Քեօրօղլու մօտ:)

Ահա թէ ինչ է ասում Դամուրջօղլին և ինչ ձևով.

Նոր վաճառական ես դառել,
Առտուրդ շնորհաւոր,
Ձին տուել ես, ջորին առել,
Առտուրդ շնորհաւոր:
Ձին տուել ես, ջորին առել,
Առտուրդ շնորհաւոր, հոգիս,
Առտուրդ շնորհաւոր:

Ալիւրդ ջորուն կրբարձես,
Բազար կրտանես կրճախես,
Դեղին ոսկիք կրհաւաքես,
Առտուրդ շնորհաւոր:

Քեզ կասեն ուստա Առուշան¹,
Երբ կրդառնաս լաւ չաղացական,
Դլուխ գլուխ շահադ² կրտան,
Առտուրդ շնորհաւոր...

Դամուրջողի, շատ լաւ կանես,
Որ Քեօրօղլուն գովաբանես,
Առես՝ լսւ վաճառական ես,
Առտուրդ շնորհաւոր...

Դամուրջողին այսպէս երկար կըշարունակէր, բայց Քեօրօղլին նրան միջհատում է, ասելով՝ կատակի ժամանակ չէ, և ինքն է սկսում երգել այլ եղանակով և ահեղ ձայնով —

Ծառաս փախել է մինչ Արաբստան,
ձուտ արէք, ուր որ է, փնտրեցէք բերէք.
Չըլնքին զարկելով՝ կապէք կռները,
Արաբ ձիու վրայ բարձեցէք բերէք:

¹ Քեօրօղլու ուղիղ անունն Առուշան է:

² Շահադ է ասվում աղալու համար տուած վարձը, որ մի չափին չափով տրվում է այն հատիկից, ինչ որ աղացվում է:

Ջրլնքին զարկելով՝ կապէք կռները,
Արաբ ձիու վրայ բարձեցէք բերէք:
Արի, հոգիս, արի,
Արի, անուշիկ:

Իր գործած յանցանքը զրէք իր վրդին,
Որ չասեն՝ անմեղ էր, ի դուր պատժեցին.
Մորթեցէք եզան պէս, քերթեցէք կաշին,
Միտը մաս մաս արէք, ջարդեցէք բերէք:


Քեօրօղլին եմ, ես չեմ մնալ ջաղացպան,
Իմ Սևուկին երբէք չի տիրել Համզան,
Գետնի տակն էլ լինի, հանեցէք նորան,
Ձիու պոչից կտալա՞՞՛ք քաշ տուէք բերէք:

Էլ ինչ ասել կուզի, որ Քեօրօղլու հրամանը շուտա-
փոյթ կատարուեցաւ: Քեօրօղլուն պատահած այս արկածը
պատմւում է և ուրիշ ձևով:³

Դ. ԱՂԱՅԵԱՆՑ

³ Քեօրօղլու բոլոր երգերը երեք եղանակ ունին միայն: Այստեղ բերած երեք երգերից ամեն մէկը ջոկ եղանակ ու-
նի, որ ասել է երեք եղանակներն ևս կան: Երգերի ձևն ու
տողերի չափը ցոյց են տալիս արդէն, թէ ո՞րն ընչ եղանակ
ունի: Երգելիս առաջին տան կազմութիւնը պէտք է տալ և
միւս տներին:





ԳԱՌՆՈՒԿ

արուն էր. ամեն տեղ ծաղկել
կանաչել էր. ոսկի արեգակը
իր վառվռուն, ճառագայթնե-
րը սփռել էր աշխարհիս ե-
րեսին և նոր կեանք պարգե-
ւել բոլոր արարածներին,
մեծերին ու փոքրերին, մարդ-
կանց ու անասուններին, փոք-
րիկ մեղեղներին ու միջատնե-
րին: Մարդկանց մէջ երևում
էր մի առանձին շարժում և կեն-
դանութիւն. փոքրիկ երեխաների
ուրախութեանն ու խնդութեանը
չափ ու սահման չկայր. տան տիկ-
նանց և հարս ու աղջկերանց հետ խօսիլ
չէր լինիլ. ամենքն էլ զբաղուած էին
ծանր գործերով. մէկը լուանում էր, միւս-
ները տան կահ-կարասիքը դուրսը արեգակի
առաջ դարսած, մաքրում, իստակում, այլք

խալի, բարձ ու վերմակներ թափ տալիս, որպէս զի որ-
քան կարելի է շուտ վերջացնեն ու գնան եկեղեցի, ժա-
մերգութեանը հասնեն, մեղայ գոչեն, հին մեղքերից ա-
զատուին և ասլա սրբուած ու թեթևացած, մաքուր ու
անարատ սրտով ու խղճով սուրբ հաղորդութեանը արժա-
նի լինին:

Քիւղացոց հետ որ՝ խօսել չէր լինիլ. ինչ որ Աստուած
պարգևել էր իրանց, ինչ բարեք որ գտնվում էր իրանց
տների քունջ ու պուճախներում, սալով, ոտով, կամ ձիով
ու եզով կրում էին քաղաք, որ լաւ գնով ծախեն ու ձեռք
ձգած փողով իրանց ծակուծուկը կալնեն, չու ու փալասը
կարկատեն կամ թէ նորը կարեն, ապա ուրախ սրտով
Քրիստոսի հրաշափառ Յարութիւնը տօնեն:

Ահա մի քանի գիւղացի տղաներ, ուրախ ու զուարթ,
թեթև տրեխները հագնեցին, մի-մի հատ մահակ ձեռք-
ներին, թաշկինակները իրանց գիւղի դաշտերից ժողովուած
բանջարով, սիբեխով ու եղինջով լցրած, բերում են քա-
ղաք ծախելու: Նրանք այնքան ուրախ են և այնպէս
հանաքներ անելով են գալիս, որ երկար ճանապարհն ի-
րանց չի նեղացնում և կամ ձանձրացնում. նրանց մտած-
մունքը միայն այն է, որ քաղած կանաչները լաւ գնով
ծախեն ու մի քանի կոպէկ վաստակելով, զանազան գոյ-
նի ներկեր առնեն, իրանց համար զատկական ձու ներ-
կեն ու ձեռքներն առած, ուրախ ուրախ կռուեցնելով՝ խա-
ղալ սկսեն:

Ահա և մի խումբ կանայք, մի-մի փոքրիկ դամբիւղ
ձեռքներին՝ մէջները ձուով լիքը, մի երկու պուտուկ կաթ
ու մածուն, մի քանի գունդ համեղ կարաք խուրջլինում
ուսերին ձգած, ոտները մերկ բոլորովին, ամեն հոգս ու
ցաւ մոռացած, ուրախ դրից անելով, շտապում են որ շու-
տով տեղ հասնեն ու ծախելով իրերը, իրանց հարս ու
աղջկերանցը մաշիկ ու եղմայ գնեն և նրանով նը-

րանց ջահել սրտերը ուրախացնեն ու գուարճացնեն:

Տեսէք և այս սայլը բեռնաւորուած ալիւրով, իւրով ու պանրով, ճոճուալով առաջ է շարժվում. իսկ միւս կողմից, ո՛չ շատ հեռու սայլից, մի քանի մարդկանց հսկողութեամբ, թուջկոտալով ու մայելով առաջ են խայտում ահագին բազմութեամբ անմեղ գառներ. դրանց մայոցը ամենի սիրտը խնդութեամբ լցնում է. դրանք են առաջին նըշանը զատկական մեծ տօնի, ուստի և ամեն մի մարդ, աղքատ թէ հարուստ, մեծ թէ փոքր միշտ դրանց սիրով են վերաբերվում և դրանց քաղցը մայոցներին ջան, ջան, բացազանչում ու ամեն կերպ աշխատում, որ իրանց տներումն ունենան այդ սիրելի կենդանուց, այդ անմեղ արարածից և գեղեցիկ սեղան կազմեն դրանց տապակած մսից:

— Արամ, քեզ փնտրելով հոգիս դուրս եկաւ, շտապիր, շուտով գնանք վերելի կամուրջի մօտ, հայրիկս այնտեղ հիմայ անհամբերութեամբ մեզ է սպասում: Ասում է փոքրիկ Վարդգէսը Արամին, որ իրանց խանութի աշակերտն էր:

— Խնջու, ինչ կայ սպասելու:

— Հայրիկս մեզ համար մի գեղեցիկ սպիտակ գառն է առել, պիտի գնանք տուն տանենք:

— Հա, ես էլ վարմացայ, թէ ինչ կար ինձ փնտուելու. հիմայ հասկացայ. դէհ, շտապենք, ոչինչ, շուտով կըհասնենք: Արամը դրկեց սպիտակ և գեղեցիկ գառնուկը, իսկ Վարդգէսը՝ մի փունջ խոտ ձեռին՝ առաջ ընկած, շտապեցին տուն:

Թէ ինչ աստիճանի էր հասել Վարդգէսի ուրախութիւնը, չի կարելի մի առ մի նկարագրել. մինչև տուն հասնելը խեղճ Արամի իրանն իրան հասաւ. ոչ թէ այն պատճառով, որ գառնուկը շատ ծանր էր և կամ ոտքերը շարժելով նրան նեղացնում էր, ո՛չ, բնաւին ո՛չ. գառնուկի փոխարէն Վարդգէսն

էր՝ անչափ ուրախութեան շնորհիւ՝ անհանգիստ անում Արամին: մէկ խնդրում էր, որ մի փոքր էլ իրան տայ գառնուկը գրկելու, թէև ինքն էլ լաւ գիտէր, որ այնքան ուժ չունի, որ կարողանայ գառը գրկած գոնեա մի երկու քալ ճանապարհ շարունակել. կամ թէ չէ, պընդում էր, թէ մի փոքր կանգնեցրու, խոտ տամ ուտի, քաղցած է. տեսնելով որ Արամը իրան չի լսում, հասկացնելով որ աւելորդ է փողոցում կանգնեցնել խեղճ գառանը և խոտ տալ, վերջապէս ստիպեց որ իջեցնէ գետին, որ մի փոքր էլ ոտքով քշելով տանեն:

Վերջապէս մի կերպ հասան տուն. փան դրան մօտ գառան մայրը լսելով դուրս եկան Վարդգէսի երկու քոյրերը, որոնցից մէկը Վարդգէսից փոքր էր, իսկ միւսը մի տարով մեծ. նրանք ևս անչափ ուրախացան՝ երբ տեսան իրանց փոքրիկ գառնուկը, և ամենքը առանձին առանձին սկսեցին խոտ տալ գառնուկին ու փայփայել, ականջները բռնել, աչքերը սրբել, պարանոցը շոյել, ու անթիւ գովասանքներ թափել. սակայն խեղճ գառնուկը շարունակ մայրւմ էր իրան մենակ տեսնելով:

— Ի՛հ, բաւական է, մի չարչարէք խեղճին, ասաց Արամը, տանենք ախոռ, թող հանգստանայ: Բայց երեսաները չլսեցին Արամին. նրանք չէին կամենում ոչ մի կերպ գառից հեռանալ: Կամաց-կամաց օրը մթնեց. մայրը եկեղեցուց տուն եկաւ. Վարդգէսը և փոքրիկ քոյր Վարսենիկը մօր առաջը կտրեցին, ու մեծ խնդութեամբ յայտնեցին, որ հայրիկը իրանց համար գեղեցիկ սպիտակ գառն է դնել: Մայրը շատ ուրախացաւ, ու տեսնելով ձիւնի նման մաքուր ու սպիտակ գառնուկին, համբուրեց նրա աչքերը, որին հետևեցին և փոքրիկները մի-մի համբոյր տալով գառան ճակատին ու աչքերին. յետոյ մայրը ուրախացրեց որդոցը, որ սա գառնուկը առաջին նշանն է, որ յայտնում է թէ Զատիկը մեզ շատ մօտ է.

մօր խօսքերի վրայ երեխայոց ուրախութիւնը աւելի կըրկ-
նապատկուեցաւ, որովհետեւ բացի գառնուկից, որ արդէն
ունէին, մօտերն ընկաւ և կարմիր ձուաները, որ եր-
կու երեք օրից յետոյ պիտի պատրաստէր իրանց սիրելի
մայրը:

Հարևանի փոքրիկ երեխաներն էլ եկան և հա-
ւաքուեցան գառան շուրջը և սկսեցին զանազան փաղա-
քշական խօսքեր ասել անմեղ գառին: Գառնուկը քիչ-
քիչ սովորում էր Վարդգէսի վրայ. մի քանի օրից, նա
արդէն ճանաչելով իր տիրոջը՝ քամակիցն ընկած, թռչկո-
տելով հետը գնում էր փողոց: Վարդգէսը շատ խնդրեց
հօրը և մի փոքրիկ զանգակ առնել տուեց ու կարմիր
ժապաւէնով կապեց գառնուկի պարանոցին, որով նա մի
առանձին գեղեցկութիւն պարգևեց, առանց այն էլ գե-
ղեցիկ ու սիրունիկ գառնուկին, ու հետը միշտ խաղալով,
վազեցնելով ու փոքրիկ զանգակի ձայնով զմայլելով անց-
կացրեց տօն օրերը, մինչև հասան ուսումնարան գնալու
և գառի փոխարէն դասի վրայ նայելու ժամերը:

ԱՇԽԵՆ



ԳԱՐՆԱՆ ՊԱՏԿԵՐՆԵՐ

(Նուէր նկարիչ Գ. Բաշինջաղեանին)



արուն է արդէն. պայծառ է երկինք.
Պայծառ ու յստակ, որպէս Հայելին.
Ահա շողում է և գարնան արև—
Կեանք ու լոյս բաշխում արթուն աշ-
խարհին:

Քաղցր է տեսարան՝ երկինք ու երկիր
Ժպտում են միմեանց, դէմքով սիրալիր:

Հաղուել, գուգուել է ամբողջ բնութիւն.

Փչում է մեղմիկ գեփիւռը գարնան.

Կենդանացել է արարած աշխարհ.

Մարդկանց հրճուանքին չկայ չափ, սահման:

Քաղցր է տեսարան՝ խնդուլթեամբ լցուած՝

Մարդիկ, բնութիւն ժպտում են միմեանց:

Դալար դաշտերում մատղաշ գառնուկներ,
Ո՛հ, ի՛նչ պեղատես բացել են հանդէս.
Փչում է հովիւն իր գիւթիչ սրինգ,
Պարում են գառներ, պարերն են պէս-պէս:
Քանցըր է տեսարան՝ — գառն ու գառնարած
Բերկրալից սրտով ժպտում են միմեանց:

* *

Ահա ծաղկազարդ, կանաչ պարտիզում
Փթթել, ծաղկել է և կարմիր վարդիկ.
Սերավառ սոխակն իր անուշ երգով
Տալիս է նրան զարնան աւետիք:
Քանցըր է տեսարան՝ — սուրբ սիրով վառուած՝
Սոխակն ու վարդը ժպտում են միմեանց:

* *

Ահա սառնորակ, վճիտ աղբիւրիկ
Անուշ կարկաջմամբ վազում է արագ.
Անտառը լռիկ, կարծես կախարդուած՝
Լսում է նրա քաղցրաձայն ջութակ:
Քանցըր է տեսարան՝ — աղբիւր ու անտառ
Ժպտում են միմեանց սիրով անըստառ:

* *

Ուրախ ու աղատ, թւերը բացած,
Ահա բզզալով՝ մեղուն ժրաջան
Թռչում է դէպ՝ դաշտ, դէպ՝ հազարերանդ
Սիրուն ծաղկունքը կենսատու զարնան:
Քանցըր է տեսարան՝ — ծաղկունքն ու մեղուն
Ժպտում են միմեանց, ողջունում զարուն:

* *

Ո՛վ, գարնուն, գարնուն, չքնաղ եղանակ,
Որքան գիւթիչ ես, որքան կախարդիչ.
Անպատմելի են քո բիւր տեսարանք —
Քեզ նկարել է նոյն ինքն Արարիչ . . .


Ա.Դ.Բ. ՓՍՏՈՒՐԵԱՆ




† ՕՐ. ՈՂՍԱՆՆԱ ԹԱՄԱՄՇԵԱՆ

ՏԵՍՂՈՒՀԻ Ն. ՆԱԽԻՃԼԱՆՈՒ ԳՈՂՈՅԻԱՆ ՕՐԻՈՐԴԱԿԱՆ ՂԱՐՈՑԻ

1856—1887



ՄԻ ԹԵՐԹԻԿ ԱՆՅԵԱԼԻՑ.



րա դէմքի վրայ շատ բան կար գրած.
բայց նրանց կարգալ չէր կարող ամեն
ոք. բառերը գրած էին հրեշտակային
փետուրով: Դուք մօտենում էք նրան
և յանկարծ յետ էք քաշվում, որպէս
նաւակը նաւավարի ուժգին թիավարութիւնից: Մի
րոպէ դուք կանգ էք առնում. դուք չգիտէք անգամ, թէ
որտեղ էք կանգնած, բարձրաբերձ ժայռի վրայ, ուր
հէնց այն է որ վախենում էք, թէ կըսլուէք և անդունդ
կըղկորուէք. մարդագետնի վրայ արդեօք, ուր պատրաստ
էք ձգուել փափուկ խոտի վրայ, որը գլուխը կորում է
յետ ու առաջ գեփիւռի մեղմ շշուկից և պսպղում արե-
գակի ճառագայթներից. թէ դուցէ երագո՞ւմն էք: Եւ այդ
բոլորը ձեզ թւում է կարելի: Դուք ոչինչ չէք հասկա-

նում այնքան բարակ, քնքույշ և բանաստեղծօրէն գրած խօսքերից: Եւ դուք չէք մօտենում, վախենալով ամեն մի շարժմունքից, տեսարանը աչքից չկորցնելու համար: Բայց դուք արդէն անշարժ դառաք, կորցրէք զգայութիւնը, որը դուք միայն կամաց կամաց կրկին ձեռք էք բերում միմիայն վկայելու համար, որ դուք կրկին կանգնած էք անշարժ, աչքերդ չուած դէպի վեր, իբր ոգիներից բռնուած: Նայում էք նրա աչքերին և նկատում էք մի ինչ որ խորհրդաւոր բան: Ձեր աչքերը դադարեցին չտիպողանց մեծ լարումից. դուք կրկին ձեզ կորցնում էք և գրեթէ ուշքից զրկվում:

Բայց դա լոկ պատրանք չէ, վասն զի երազում էք: Հեռու, հեռու, անտառի խորքերից մինում ձեզ երևցաւ հրեշտակային քնքշութեամբ մի դէմք. սա ունի իր գլխին դափնեայ պսակ, և նրա վրայ երեք բառ՝ ԼՈՅՍ, ՍԷՐ, ԿԵԱՆՔ:

Դուք գուշակեցիք. զարթնում էք: Դուք ծնկաչոք ձեր սենեակումն էք տեսնում ձեզ, աչքերնդ յառած դէպի երկինք լուսամուտի միջով. և յորդ արտասուք տեղած է յատակի վրայ: Ձեր առջև ոչ ոք, բայց դուք պարզ տեսնում էք մի էակ, որը աւելի ու աւելի հեռանում է ձեզանից դէպի վեր, տարածութեան մութ խորքերը և միմիայն աղօտ կերպով դուք նշմարում էք, որ նա հետը տանում է մի պաստառ՝ աղեղնաձև գրած բառերով՝ ԼՈՅՍ, ՍԷՐ, ԿԵԱՆՔ:

Ա.Ի. ԱՐԱՍԻԱՆԵԱՆՑ





ՏԻԿԻՆ ԼԻԿԱՆԻ ԹՈՒԹԱԿԸ




եղ ասում են, որ ես շատ լաւ էի ճանաչում սրան. սա լաւ մեծացած թուրքական թափօն էր, որ իր լաւ յատկութիւնների համար բոլորից սիրուած էր և իր տիրուհուց էլ նոյնքան երես առած, որքան և Տիկին Ղիւկաի սիրելի շունը՝ Նվարօն: Այս թուրքակը կարողանում էր լաւ խօսել և ամբողջ օրը շաղակրատում էր, որ թէ և լաւ յատկութիւն է թուրքակի համար, բայց պակասութիւն է երեսանների համար: Նա այնպէս լաւ ընտելացել ու վարժուել էր, որ նրան դրեթէ ազատ էին թողնում տանը, պարտիզում. նա չէր հեռանում և միշտ վերադառնում էր իր թառատեղին:

Մի օր, սակայն, չղիտեմ ինչպէս պատահեց, մի կատուից գուցէ սարսափելով, թափօն թռաւ պատի վրայով դրացու այգին, և այնտեղից էլ փողոց:

Այստեղ, խեղճ կենդանին, սարսափից քիչ սթափուելով, իրան բոլորովին անձանօթ տեղ գտաւ: Նա էլ չի գտնում իր շուրջը այն սովորական իրեղէնները, որոնց նա սովոր էր տեսնելու. ո՛չ ծառերը, ո՛չ տունը, ո՛չ մարդիկները: Ահա խեղճը միայնակ, օտար տեղ, կորսուած, շփուած. — Նա անգաղար իր շուրջն է պտտում, այս կողմ,

այն կողմ ընկնում: Յանկարծ մի անցորդից վախենալով,
մի քիչ աւելի հեռու թռաւ, յետոյ մի քիչ էլ հեռու...

Երևի նա կամենում էր վերադառնալ... Բայց նա
սխալ ճանապարհ վերցրեց, և փոխարէն տուն դառնալու,
աւելի և աւելի հեռացաւ...



Չգիտեմ նրան
լնչ պատահեց ցե-
րեկը: Նա այդ չա-
նաց: Միայն, երե-
կայեան դէմ, խեղ-
ճին տեսան, իր
բնականից քա-
ռորդ մզոն հեռու,
տխուր նստած հա-
սարակական զբո-
սատեղիի նստա-
րանի յենարանի
վրայ թառած, յօդ-
նած, յըրտահա-
րուած, կուչ եկած
և դուխը քաշ ա-
րած՝ ճաշ չկերած
ու քնելու աեղը
չիմացող ապուշի
պէս. — Քաղաքա-
յին պահապանը,
որ անցնում էր այդ

տեղով, կալանաւորեց թափառաշրջիկին և տարաւ նրան
ոստիկանատուն:

Նա թոյլ տուեց իրան տանել, առանց ընդդիմու-
թեան, առանց մի բան արտասանելու, առանց փախչել
փորձելու:

«Ահա, մի սրիկայ, որին մենք գտանք փողոցում.
Ընչ պէտք է անել սրան, պարոն ոստիկանապետ:

— Դրան պէտք է յանձնել իր տիրոջը: Դիտէ՞ք ո՞ւմ
է պատկանում:

— Ո՛չ: Բայց եթէ իրան հարցնենք, պատասխանեց
պահապանը:

«Ո՞ւմն ես դու, փոքրիկ չարահճի», ասաց նա խռ-
պոտ ձայնով, յանկարծ նրան մօտենալով:

Այս շարժմունքից, այս ձայնից, խեղճ սարսափաւհար
թուլթակը, դէպի յետ է փախչում, անպաղար թւերը ի-
րար խփելով ու վշտաղին ձայնով լողաղակելով՝ ինչպէս
օգնութիւն կանչող մէկը՝ «Տիկին Լիւկա, Տիկին Լիւկա»:

Երևակայեցէ՛ք թէ ինչքան ծիծաղեցին:

«Չատ բարի, ասաց ոստիկանապետը, որ նոյնպէս
չկարողացաւ պահել իր ծիծաղը: Բաւական է, իմացանք:
Տարէ՛ք սրան Տիկին Լիւկաի մօտ»:

Քառուրդ ժամից յետոյ, նա նստած էր հանդիստ իր
բնակարանում, ուր բարի տանտիկինը, նրա պատմութիւ-
նը լսելով, նրան արժանավայել ընդունելութիւն արաւ:

Եթէ նա չիմանար իր տիրուհու անունը, ընչ կը պա-
տահէր նրան, ձեզ եմ հարցնում:

Թարգ. ֆրանսերէնից ՕՐ. ՍԱԹԻՆԻԿ ՇԽԵԱՆ



ՅՈՎՀԱՆՆԻՍ ՀՈՒՍ

Կոմս. Լ. Ն. Տոլստոյի „Ясная Поляна“-ից



ուստանցի ժողովն եկած էին ամեն դասա-
կարգի մարդիկ. այս ահագին բազմութեան
մէջ կային՝ 1 պապ, 5 պատրիարք, 33
կառդինալ, 47 եպիսկոպոս, 500 ծայրա-
գոյն վարդապետ և շատ քահանաներ: Աշ-
խարհականներից կային — 1 թագաւոր, 2
թագուհի, 39 իշխան, 130 կոմս, բազ-
մաթիւ ասպետներ, վարժապետներ, զիտ-
նականներ և ուրիշ կարգի մարդիկ՝ ընդամենը մօտ հա-
րիւր հազար, 40 հազար երկվարներով: Ոմանք եկած էին
պարտաւորութեամբ, ոմանք տեսնելու, թէ ինչ մարդ էր
Հուս, ոմանք էլ այնպէս՝ բազմութեան օրինակին հե-
տեւելով:

Հուս ունէր մի բարեկամ ասպետ, որի անունն էր
Խլում: Պապն ասել էր Խլումին. «Եթէ Հուս իմ հարա-
գատ եղբօրս անգամ սպանած լինէր, դարձեալ նրան ոչ
մի վնաս չէր հասնիլ»: Պապն արդէն հանել էր բանա-
դրանքը Հուսի վրայից. բայց և այնպէս նա իրաւունք
չունէր եկեղեցի մտնելու. նրան թոյլ էր տրուած միայն
կանգնել դրան մօտ՝ նախադաւթում: Հուս չորս շաբաթ
տնից դուրս չելաւ. այդ միջոցին նա մի ճառ էր պատ-
րաստում, որ խօսելու էր դատաստանի առջև իրան պաշտ-
պանելու համար: Մի և նոյն ժամանակ չարակամները դա-
նազան սուտեր էին տարածում նրա մասին, ասելով, թէ
նա իր քարոզները լսողներին մի-մի ոսկի է վճարում, թէ
արդէն փախել է, թէ նրան գտել են չարդի տակ մի սալ-
լի մէջ, և ուրիշ այս տեսակ բաներ . . .

Մի օր խլում ասպետը Հուսի մօտ նստած խօսում էր նրա գործի մասին: Յանկարծ ներս մտան երկու եպիսկոպոսներ, պահանջելով որ Հուս պատի պալատը գնայ: «Ո՞ր էք տանում այս մարդուն», ասաց խլում, Հուսին տէր կանգնելով. «սա կանչուած է ժողովին ներկայանալու համար, կայսրից էլ ապահովութեան գիր ունի, որ իրան ոչ ոք չնեղէ. բայց ձեր միտքը, կարծեմ, չար է»: Եպիսկոպոսները միամտացրին, թէ Հուսին ոչ մի չարիք հասնելու չէ, թէ պապը միայն տեսնել է կամենում նրան: Մինչդեռ եպիսկոպոսներն այսպէս էին խօսում, զինուորները Հուսի բնակարանին մօտեցան և նրան շրջապատեցին:—«Ես կապուած եմ թագաւորից՝ ժողովին ներկայանալու, և ոչ թէ պապական դատաստանին, ասաց Հուս. այսու ամենայնիւ պատրաստ եմ հնազանդիլ և՛ պապի հրամանին»: Այս ասելով, վեր կացաւ, բարեւ մնա ասաց տանտիկնոջը և գնաց:

Սկսան հարցուփորձել Հուսին և փոխեցնել, թէ ո՞վ ես որ համարձակվում ես խօսել Սրբազան Հօր դէմ. զիտե՞ս արդեօք, թէ ի՞նչ պատիժ պիտի ստանաս դրա համար:

Հարցափորձութիւնից յետոյ կառգինալները վճռեցին բռնել Հուսին և փակել մի վանքի մէջ, մտածելով, թէ զուցէ մինչև թագաւորի գալը կարող կըլինին բոլորովին ի չիք դարձնել նրան:

Խլում վազեց գնաց պապի մօտ և ասաց. «Դու չէիր ասողը, որ եթէ Հուս մինչև անգամ եղբօրդ սպանած լինէր, դարձեալ նրան ոչ մի զրկանք չէր հասնիլ. բայց ահա կառգինալներդ եկել բռնել են նրան և ուզում են փակել»:— Իսկ պապն ասաց. «Ես այդ բանում մեղք չունիմ. երևի թէ կառգինալների խորհուրդն է այդպէս վճռել»:

Պահապանները տարան Հուսին մի քահանայի մօտ և ոչ մի տեղ դուրս չէին թողնում: Մի շաբաթից յետոյ տարան մի վանք և ձգեցին մի խուցի մէջ, որի որմերը

քարից էին և վանդակները՝ երկաթից: Ռիտուլթեամբ խոնաւ և վատ խուց տուին Հուսին, որ նա հիւանդանայ: Այդ խուցին կից էր արտաքնոցը, և բոլոր աղբն ու գայուն անցնում էր տակով. ուստի և մէջն անյապիսի դարձ Հոտ էր կանգնած, որ հազիւ կարելի էր շունչ քաշել:

Այս բոլորի մասին խլում դրեց կայսրին թէ. «Քո ապահովութեան գրում ազատութիւն էիր խոստացել Հուսին, խոստացել էիր չզրկել նրան. բայց կառդինալները պատուէրդ արհամարհում են և դեռ դատաստան չեղած՝ ինչ որ ուզեն՝ անում են, կայսերական հրամանիդ հակառակ»:

Անուհետեւ կայսրն էլ եկաւ Կոնստանց և ասաց կառդինալներին. «Պուք իրաւունք չունիք դատելու հաւատարիմ հպատակիւ. ես եմ միայն նրա իշխանը, և ոչ թէ դուք. ես կը հրամայեմ խորտակել նրա բանտի դռները»:

Նրանք սպասախանեցին. «Հուսը հերետիկոս է. իսկ հերետիկոսներին դատողը եկեղեցին է, ոչ թէ թագաւորը: Եթէ մեզ արգելք լինիս, իսկոյն կը ցրուինք»:

Այս սպառնալիքի վրայ կայսրը փոքր ինչ զայրացաւ, տաքացաւ, բայց վերջի վերջոյ մեղմանալով, սկսաւ ամեն բանի մէջ կառդինալների հաճոյքը կատարել: Թէպէտեւ կարող էր բանի տեղ չդնել նրանց և բռնի ազատել Հուսին բանտից, բայց չէր ուզում թշնամանալ կառդինալների հետ: Հազարաւոր թշնամիներ ճարելուս փոխարէն, լաւ է՝ մէկ աւելորդ անհանգիստ մարդոց ազատուիմ, մտածում էր Սիզիգմունդ կայսրը:

Այդ միջոցին Հուս նստած էր հոտած խուցի մէջ և համբերութեամբ սպասում էր արձակուելու ժամին: Վերջապէս նա հիւանդացաւ այդ դարշելի հոտից և անկողին մտաւ: Պապը մի բժիշկ զրկեց, որ նրան ճար անէ. իսկ Հուսի բարեկամներն ասացին. «Եթէ կամենում էք որ Հուս թեթեւութիւն ստանայ, տարէք նրան մի ուրիշ խուց. այնտեղ նա առանց բժշկի էլ կ'առողջանայ»: Եւ քիբաւի,

մի աւելի լաւ խուց մտնելուց յետոյ՝ Հուս սկսաւ առողջանալ. բայց նրա մօտ ոչ ոք չէին թողնում և գրքեր չէին տալիս: Եւան Խլում ասպետը սիրտ էր տալիս նրան, յորդորելով որ ճշմարտութիւնը չուրանայ ազատութիւն ստանալու համար: Հունն էլ գրում էր Խլումին. «Բոլոր յոյսս Աստուծոյ վրայ է, և վստահ եմ, որ մինչևի մահս ճշմարտութեան հաւատարիմ կըմնամ: Աստուծոյ օգնութեամբ ես բոլոր ճշմարտութիւնը յերևան կըհանեմ ժողովի մէջ. լաւ է՝ կենդանւոյն այրեն ինձ խարոյկի վրայ, քան թէ այս զարհուրելի սենեակի մէջ ողջ-ողջ թաղուած մնամ: Ես կամենում եմ, որ բոլոր քրիստոնեաներն ասելիքս լսեն»:

Իսկ չարակամներն ասում էին Հուսին. «Գու ուրանում ես պապին և նրա սրբութիւնը, քարոզում ես, թէ յանցանք է պատէրներին՝ Հոգի և կայքի տէր լինելը. վռնդում ես գերմանացիներին Պրագից, պաշտպանում ես Ալիկիֆի աղանդը, մերժում ես մեր հաղորդութիւնը հացով, ասում ես թէ արևելեան հաղորդութիւնն աւելի անարատ է, թէ արևելցիք մեզնից լաւ են կատարում Քրիստոսի պատգամները. ահա այն են յանցանքներդ, և դու տրտնջում ես մեզնից, մինչդեռ արդէն վաղուց պէտք էր պատուհասել թէ՛ քեզ և թէ՛ քեզ հետևողներին»:

Հուս խնդրեց կայսրից, որ նրան դատաստանի կանչեն, ասելով թէ կամենում էր արդարանալ ժողովի առջև. «Գու ինձ ի ժողով հրաւիրեցիր», գրում էր նա. «այն ինչ այժմ բնաւ առանց քննութեան և դատաստանի բանտի մէջ են փակել ինձ»:—Հուս մտածում էր—միայն թէ թույլ տային ինձ ժողովի առջև խօսելու, այն ժամանակ ամեն մարդ կըտեսներ, որ ես չարաչար զրպարտուած եմ: Բայց կայսրն իր կայսերական խոստումը մոռացել էր և մատնել էր Հուսին ոսոխների ձեռքը:

ՓԻԼԻՊՊՈՍ ՎԱՐԴԱՆԵԱՆ

(Կըշարունակուի)

ԱՒԱՆԴՈՒԹԻՒՆ

(ՀԱՏՈՒԱԾ)¹



„ДѢТСКОЕ ЧТЕНІЕ“ ամսագրից

սա ինձ, ինչո՞ւ այդպէս պըղտոր են քո ջրերդ, մայր Վիսլա, սպիտակափայլդ մեր Վիսլա դետ:

—Ա՛խ, ինչպէ՞ս չպղտորուին իմ ջրերը, երբ նրանց մէջ այնքան արտասուք է թափվում: Ահա իմ ամերով, շըրջում են մարդիկ, տանջուած

երկիւղից և յուսահատութիւնից. նրանք լալիս են, հեծեծում են, և կուրծքները ծեծելով, կանչում են, պաղատում են որ փրկութիւնը դայ հասնի իրանց, բայց փրկութիւնը դանդաղ է գալիս... Ահարկու Վիշապը նստել է խոր, մութ ալբի մէջ՝ լերան տակ. նա կլանում է ամեն ինչ որ տեսնում է, լափում է զոհ զոհի ետեւից և սարսափ է տարածում ամբողջ երկրի վրայ: Երբ, նեղուած քաղցից, նա բաց է անում իր հրէշական երեսը և որոտալից բառաջ է արձակում, այն ժամանակ ամողջ լեռը դողում է և հեծում, մարդիկ ահից փութում են երեսների

¹ Այս հատուածը թարգմանուած է Լեհացի աշխարհահռչակ բանաստեղծ—մատենագիր՝ նոր վախճանուած Յովսէփ Կրաչեւսկու մի փոքրիկ գրուածքից. նրա երկասերութիւններն այնքան շատ են, որ մի մարդ իր կեանքում հազն կարող է բոլորը կարդալ վերջացնել:

վրայ, գաղանները այս կողմն այն կողմն են ընկնում ան-
հանգիստ՝ ծմակի խորքում:

Կուշտ լափը լափելուց յետոյ շնթռնում է նա իր փո-
սի մէջ, մրափում է և քնի մէջ խռիացնելով՝ ծանր-ծանր
շնչում է, վարակելով օդը իր աղտոտ և ժանդահոտ շնչով:

Խեղճ մարդիկ հանգիստ չունին ոչ ցերեկը, ոչ գի-
շերը, դողում են և փակվում են տների մէջ: Դաշտերը
դարձել են ամալի, հօտ ու նախիրը ամեն օր քջանում
են: Չար Աիշապը խեղդել է շատ երեխաներ և կիներ և
էլի չի կարողանում կշտանալ, շարունակ թաքնուած է
վհի մէջ և դարանամուտ եղած՝ յափշտակում է նոր դուհեր:

Ինչպէս ազատուել այդ հրէշից. ինչպէս ջախջախել
սոսկալի գաղանին: Չկայ թուր, որ փշրել կարողանայ նրա
պիրկ, հաստ ոսկրի պէս կաշին, չկայ մուրճ, որ ջարդէ
նրա գլուխը, չկան ուժեղ ձեռներ, որ հուպ տան նրա
գարշելի որկորը:

Յուսակտուր եղած՝ Կրակ թագաւորը փակուած նըս-
տած է իր պալատում: Ամբողջ օրեր նա նստած միայ-
նակ, աչքերը ձգած գետին՝ մտածում էր մտածում, թէ
ինչ կերպով ազատուի հրէշից:

Եօթն ամիս բոլորելուց յետոյ՝ Կրակ թագաւորը կան-
չեց իր մօտ հաւատարիմ Սկուբուն և ասաց նրան. «Գնա
իմ նախիրից ջոկիր ամենախոշոր եղբ և մի քանի գեր
ոչխար. մորթիր նրանց և մաքրիր՝ ու փորոտիքը դուրս
թափիր ջրի մէջ: Յետոյ վեր առ այրուող կուպր, ծծումբ
և վառ ամուխ, այդ ամենով լցրու մորթած կենդանիսե-
րի փորը, ապա տար դրանց Աիշապի այրի մօտ և սպա-
սիր. հէնց որ կըլտես հրէշի սովի բառաչը, ձգիր այդ
կերակուրը նրա բաց երախը (ըռէխ, բերսն):

Հաւատարիմ Սկուբուն ամեն բան պատրաստած
կանգնած էր վհի առաջ:

Չուտով մռնչաց հրէշը. այրի մէջից կուրի մօտե-

նալն իմանալով, երևեցաւ ահագին բացուած երախը. Սկուրուն ձգեց պատրաստած խորոտիկները նրա բերնի մէջ. «Առ, ով հրէշ, կեր, անիծեալ գազան, կեր և տրաքուիր իմ այս հիւրօլթից»։ Կուլ տալով եզր և ոչխարները, վիշապը բղաւեց այնպէս, որ լեռու թնդաց և գիւղի տները շարժուեցան։ Այրում գալարվում էին փորոտիքը նզովեալ գազանի. սաստիկ պապակուելով ծարաւից, նա դուրս եկաւ այրի միջից, ընկաւ Վիսլա գետի վրայ և սկսաւ լալիլ պաղ ջուրը։ Բայց ինչքան որ նա խմում էր, այնու ամենայնիւ Վիսլայի ջրերը բաւական չէին նրա պասուքը յագեցնելու, մեղմացնելու նրա ներսի դին այրող տապը. և նա խմեց, խմեց այնքան, որ ուռաւ, տրաքեց և տատկեց։

Կրակ թաղաւորը թուրը ձեռին դուրս եկաւ պալատից, զնաց Վիսլա գետի ափը, կտրեց հրէշի գլուխը և մտցնելով բարձր ձողի ծայրը, դարձաւ այդ յաղթանակով քապաք, որի վեհերկոտ բնակիչները դեռ չէին համարձակվում տներից դուրս գալ։—Սիրտ ան և հանգիլ, իմ սիրելի ժողովուրդ, ձեր տանջանքների վախճանը հասել է. տեսէք, չկայ այլևս հրէշը, չկայ չար վիշապը։ Գուրս ել ուրեմն, հողագործ, քո գութանով գաշտը. հովիւ, գուրս քշիր քո հօտը առանց երկիւղի. խաղ արէք, երեխէրք և գուարճացէք անհող կերպով սարերում. չկայ այլևս հրէշը, չկայ չար վիշապը։

Թաւաճողները ճուղեցին օլի մէջ, ձայնեղ դայլալով աւետեցին ուրախալի համբուր, որ քամիներն էլ տարան դաշտերին հաղորդեցին։

Ձրջակայ բնակիչները, վիշապից ազատուելու համար ուրախացած, ժողովուեցան այրի մօտ, հողով ծածկեցին հրէշի գարշահոտ վիհը և այն լերան բարձրութեան վրայ քաղաք շինեցին ի վիշատակ յաղթութեան ընդ դէմ վիշապի։ Կրակ թաղաւորը նստեց այդ, քաղաքում և սկսեց կառավարել երկիրը։ Երկար ժամանակ և իմաստութիւնով կառավարեց նա այդ երկիրը. աջալուրջ հսկելով չորս կողմի վրայ և պահպանելով երկիրը չորս կողմի ժողովուրդների յարձակումներից։

ԱՄԲԻՈՍ



ԸՆՏԱՆԵԱԿԱՆ ԶՐՈՅՅՆԵՐ

(Դիսանդէից)




Գ.

Լնցեալ անդամ մի քանի օրինակներով բացատրելով օգի ոյժը, հիմա էլ առաջ կըրբերեմ մի քանի փորձեր, որոնք պարզ ցոյց կըրտան ջրի ոյժը, որից մարդիկ այնքան մեծամեծ օգուտներ են քաղում: Ի՞նչ հիացում և ի՞նչ դուարճութիւն է սլատճառում մեղ շագրուանը, երբ վեր է խփում ջուրը. ի՞նչ փառահեղ տեսարան է, երբ ահագին շողեկնաւ սլանում է ջրի մակերևութի վրայ. դըօսնել նաւակում լճակի վրայ, մեծ ցնծութիւն է մեղ համար. բայց մենք ևս առաւել կըհրճուինք, կըզմայուինք և հոգով կըբարձրանանք, եթէ մտածենք էլ թէ՛ այդ ի՞նչ ոյժ է, որ մեղ պահում է մի կտոր տախտակի վրայ: Զուրը ունի ներքեից վերև ճնշելու ոյժ: Որոշ ծաւալով ջուր և մէկ ուրիշ հեղանիւթ կամ պիրկմարմին, նոյն որոշ ծաւալով վեր առած, եթէ քաշենք, հեղանիւթ կամ պիրկ մարմինները, որոնք թեթեւ կըղան ջրի համանման ծաւալից՝ նրանք ջրի վրայ կըկանգնեն և չեն խորասուզուիլ. մի մարմին, որ ընկղմվում է ջրի մէջ՝ կորցնում է իր ծանրութիւնից—

Թեթևանում է, իր ծաւալի չափ ջրի քանակութեան ծանրութիւնով. այդ օրէնքը կոչվումէ Արքիմէդի, որի դիւտն է:

Գանք մի քանի ամենահասարակ փորձերի. օրինակ, անենք Արքիմէդի օրէնքի փորձը: Մի բաժակ լիք ջրի մէջ ձգենք թելից կախ արած մի վաքրիկ, ինչ ձևի կուզէ, մարմին, ասենք մի կտոր քար. ի հարկէ որ քարի ծաւալի չափ ջուր խփոյն դուրս կը թափուի բաժակից. յետոյ բաժակը



դնենք կշեռքի մի թաթում, սրա տակից էլ կախ ձգենք թելով քարը. կշեռքի միւս թաթումն էլ դնենք ծանրաչափ «քարեր», այնքան որ կշեռքի երկու թաթերը հաւասարակշռուին. հիմա եթէ կախ ընկած քարի տակ բռնենք մի այլ բաժակ ջրով, այնպէս որ լիշեալ քարը խորասուզուի ջրի մէջ, կընկատենք որ կշեռքի հաւասարակշռութիւնը խանգարուեցաւ, որը վերականգնելու հա-

մար հարկաւոր է կշեռքի թաթի մէջ եղած բաժակը կըրկին լցնել ջրով, այսինքն այնքան ջուր ածել, որքան նըրանից թափուած էր, երբ նրա մէջ ձգեցինք քարը և որի ծաւալի չափ ջուր էր հեղուել լեքը բաժակից:

Ջրի ներքեւից վերև արած ճնշողութիւնը ակնյայտնի անելու համար հետևեալ հեշտ գործողութիւնն արէք. մի խողովակի մէկ բերնին զրէք մի կտոր հաստ կազմի




թուղթ, որը պահելու համար վրան թել ամրացրէք, ծալրը ձեր ձեռքում պահելով. ապա խողովակը փակելովից մտցրէք ջրի մէջ մի անոթում, յետոյ ածելով խողովակի մէջ ջուր, մինչև որ հաւասարուի խողովակի ջրի մակերևոյթը անոթի մէջ եղած ջրի քանակութեան, դուք կրնկատէք որ նոր պոկուեց թուղթը խողովակի բերնից, իսկ մինչև այդ անոթի ջուրը իր ճնշողութիւնով թղթի վրան, պահում էր

նրան, մինչև ջուրը չածեցինք այնքան որ երկու ճնշողութիւններ իրար հաւասարելով, միացան:

Նաւերը լողում են ջրի երեսին հեղուկների ճնշողական ուժով. նոյն ուժի զօրութիւնովն է որ ջուրը վեր է խփում շաղրուանից:

Հեղանիւթերի նեղլիկ անօթների միջով՝ արանքներով գնալը կամ ինչպէս ասում ենք ծծուկը՝ ասվում է նոյնպէս մազականութեան օրէնք: Աերցնենք մի նեղ կտոր դորձած ժապաւէն, օրինակ մահուդի կտոր, դրա մի ծայրը դնենք ջրով լի բաժակի մէջ մի քիչ բարձր տեղ, մի ծայրն էլ դատարկ բաժակի մէջ առաջինից ներքև դրած. մի ժամից յետոյ կը տեսնենք որ վերի բաժակից բոլոր ջուրը կ'անցնի ներքևի դատարկ բաժակը: Լամպի նաւթն էլ նոյն ձևով բարձրանում է պատրոյկի միջով, և այն: Նոյն



կերպով է բացատրվում հեղուկների մակերևույթների դուրս պրճած լինելը. այդպէս օրինակ մի բոլորովին լիքը ջրով բաժակի մէջ կարելի է ձգել մինչև 10—12 փոքրիկ գրամներ, որ առանց մի կաթիլ ջուր անգամ դուրս թափուէր բաժակից: Ի հարկէ այստեղ մենք այս ամենը պատմում ենք Հնար եղածին չափ Համառօտ, Հաղորդելով ամենասկզբնական տարրական մի քանի տեղեկութիւններ, յուսալով շաբեկ մեր ուսումնասէր բնթերցողների հետաքրքրութիւնը այնքան, որ նրանց մէջ ծագի սէր բնութիւնն ուսումնասիրելու, աւելի փորձեր իրանք անելով և աշխուժով սովորելով բնագիտական դասերը:

ԽԱՉԻԿ

ՏԵՂԱԳՐԱԿԱՆ ՆԱՄԱԿԱՆԻ



Ը.

ՀՕՏ ԵՒ ՆԱԽԻՐ

արը գնացող ժողովուրդները լեռնային արօտներում բնակվում են վրանները մէջ. բացառութիւն են կազմում Գեղարքունիքի Հայ գիւղացիները, որոնք սարերում իրանց արօտատեղերում հաստատ տներ—խրճիթներ ունին շինած. դրանց անուանում են զօմաներ կամ զօղաներ: Զօմաների խրճիթները տեղաւորւում են հարթաւանդակի վրայ, որ կընշանալիէ կլօթիկ տնակներ: Հօլիկները կէս գետնափօր, անտառ քարեց և հողից՝ կլօթաձև շինած մի տեսակ տնակներ են, կեղտոտ, խոնաւ, մութ. ունին մի մուտք և մի պատիկ չերդիկ առաստաղէ մէջ. հօլիկները ներսը մի երկու բաժանմունք ունի, որոնցից մէկում կայ մի փոքրիկ լծոներ: Այդ հօլիկների մէջ են գիշերները քնում կիները և աղջիկները. այդ տեղ են պառտապարվում նոյնպէս հօրթիկները, դառները. կլօթերն ու եզները մնում են շրջափակ տեղում՝ հօլիկին կալած, բացօթեայ: Նոր-Քայազկի Հայ գիւղացիները սարն են զրկում հօտերի և նախնիների հետ միայն իրանց կիները, մանաւանդ ջահել աղջիկները և երեխաները, իսկ աղամարդիկ գրեթէ գլխովին մնում են գիւղում, դաշտային սրաւապունքի համար: Գիշերը խեղճ կիները և աղջիկները մտնում են ցեխօտ, խեղդուած օդով հօլիկի մէջ, դուռը պինդ փակում են ու քնում. դուրսը նրանց վրայ պահպանութիւն են անում քուրդ հօլիկները, անակնթարթ հսկելով: Սղնիւ քրդեր և քաջ: Հօլիկները շրջանաձև շարուած են մի բաւական կլօթ հրապարակի շուրջը. այդ հօլիկներով շրջափակ տեղում հանգչում են գիշեր ժամանակ ոչխարները. հօլիկներէց դուրս կանգնած են հայերի մօտ ծառայող քուրդ հօլիկների վրանները, որոնց մէջ գետեղվում են նրանք իրանց ընտանիքով և բոլոր կա-

րողութիւնով: Քրդերի վրանները կոչւում են կոն. գետին
 ցցած մի քանի ձողերի վրայ փռում են մի մեծ՝ այծի մա-
 գից խոշոր գործած՝ շաւ, որի ծայրերը պարաններով կապում
 են գետնում ամրացրած ցցերին և շրջապատում են եղեգնից
 կամ բարակ ճիւղտներից կազմած ցանցապատով: Տաք եղա-
 նակին քրդերի վրաններում շատ ակորժելի է. իսկ ցուրտ,
 անձրև եղած ժամանակ՝ անտանելի է: Աւելի յարմար են և
 ցրտից ու անձրևից ապահովուած՝ թուրքերի վրանները, ո-
 րոնք կոչւում են արջուխ, դադա և չաղըր. դրանցից ամենից
 փառաւորը: մեծը և հաստաւոր է ալաչուխը, որ շինուած է
 այսպէս. գետնին խփում են մի բաւական հաստ սիւն. դրա-
 նից 4—6 արշին հեռաւորութիւնով շուրջ տնկոտում են կա-
 մարաձև ձողեր, որոնց վերի ծայրերը բերում ամրացնում
 են սիւնի ծայրին գտնուած փայտի հաստ շրջանակին. ապա
 այդ շառաւիղներից շինուած կիսագունդը ծածկում են հաստ
 թաղիքով. ներքևից շրջապատում են եղեգնի ցանցապատով,
 կապկապում պնդացնում են պարաններով, մի կողմից մուտք
 են թողնում և այլն: Կագեան հասարակ, թեթև, փոքրիկ
 ալաչուխ է, առանց սիւնի. չաղըրը հասարակ սպիտակ կը-
 տակից շինած վրան է, որպիսին դործ է ամբում պատերազ-
 մների ժամանակ:

Լեռներում ամեն արօտատեղի մի և նոյն արժանաւո-
 րութիւնը չունի. արօտի արժէքը է հարկէ նախ և առաջ
 կախուած է խոտերի տեսակից և որակից, նմանապէս նշա-
 նակութիւն ունի որ և է արօտ գնահատելում նրա գիրքը,
 ջրերը, ճանապարհները և այլն: Արդ, մի թեթև ակնարկ
 ձգելով Գեղարքունիքի լեռնային արօտների վրայ՝ կըյիշա-
 տակեմ միայն, թէ որ սարերն են առաջնակարգ համարվում
 իրանց պատուականութիւնով և պիտանութիւնով. անասնա-
 պահութեան համար: Տեղական ժողովուրդը առհասարակ ա-
 ռաջնութիւնը տալիս է Աղմանկան սարերի արօտներին, բայց
 ամբողջ գաւառում ամենամեծ հռչակը վայելում են Այրիճա
 աստուած մի խումբ արօտները: Այրիճան արօտականները հա-
 մար մի դրախտ է, մեծ բախտաւորութիւն է համարվում, ով
 ունի այդտեղ արօտատեղ. ամբողջ գաւառում միայն Այրի-
 ճան է, որ ամառը կատարելապէս լիքն է լինում անասնա-
 պահներով: Այրիճան բռնում է Աղդաղի, Էքիջիւսի, Դիտ-
 վանքի, Արդուլհասարի ստորոտները և մեծ ու փոքր Այրի

գետակների հիանալի, չտեսնուած, հարթ հաւասար հովիտները: Այրիճայում խոտը ամենաընտիր տեսակիցն է, թանձր բուսած. ժողովուրդի ասելով՝ խոտը այդ տեղ իւղալի է, ծաղկոտ է. չկան այդ տեղ անճոռնի, հաստաբետ, անպէտք բանջարներ. Աստուծու օրհնած արօտներ են. դերձերը հանգիստ են անասուններին համար, սուր դարիվերներ չկան. ճանապարհների ամեն տեսակ յարմարութիւն, ամենապատուական ջրերի անբաւ առատութիւն: Կան այդ տեղ երեք մեծ աղբիւրներ՝ երկաթա—ծծմբային ջրի և մի մեծ աղբիւր՝ բնական գետերեան ջրի: Այս կողմերը հին Հայոց դարերում կոչվում էր Այրից գաւառ, այսինքն քաղանձանների, կարանների գաւառ, որովհետեւ այդ տեղը լիքն է հրաբխային այրերով, որ և հիմա իսկ թուրքերը սրան անուանում են Մադարախանայ, որ նշանակում է նոյնը, այսինքն է՝ այրերով լի տեղ. հին անունը միայն կրում է գետը, որ ասվում է Այրի-չայ-գետ, որից դուրս է եկել «այրիճա» բառը, որ է մի ընդհանուր անուն գետի երկու կողմը տարածուած մեծաքանակ ընտիր արօտների: Այրիճան թուրքերի և քրդերի ձեռին է, բայց մի խոշոր մասն էլ գրաւած են Դաւալունցի հայերը: Այրիճայից յետոյ գալիս են Գեօգալդարայի արօտները, որոնք համատարած ծաղկազարդ են, իսկ խոտերը սակաւ, դերձերն էլ սուր գառլիւլներ են: Քեյթիի արօտները նոյնպէս հռչակաւոր են և ընտիր են միայն տեղ-տեղ. Քեյթիի սարերը լիչացնում են անհամար դաշտամուկները: Վերջին տեղն են բռնում Եանըն լեռան արօտները, որ գրեթէ ամեն կողմից պակասաւոր է: Այրիճայում, մանաւանդ Քեյթիում և Գեօգալդարայում՝ ամառը արօտների խոտը նոյնպէս մեծ քանակութիւնով հնձվում է ձմեռուայ պաշարի համար:

Խոշոր անասունների տեսակներից ամենից ընտիրը և ցեղականը համարվում է Քալբաջարի կովն ու եզը: Քալբաջարը մի բերրի, փոքրիկ գաւառ է հիւսիսային Արցախում: Քալբաջարի անասունները նշանաւոր են իրանց խոշոր զարգացած մարմնով և կաթի առատութիւնով, առօրգութիւնով և ոյժով. նրանց գոյնը փայլուն կարմրագոյն է, եղջիւրները բոլորաձև:

Յետոյ գալիս են՝ իրանց սլատուականութիւնով՝ Վայոց ձորի և քրդերի անասունները. ամենից ստոր են համարվում Շարուրի և Նոր-Բայազիդի գաւառի անասունները: Շարուրի

անասունները առհասարակ նիհար են, թոյլ, գորշ գոյնով։ Նոր-
ֆայագիդները մանր են, շատ կան և սև գոյնով։ Նրկարատե
ձմեռը, ուտեստի պակասութիւնը և վատութիւնը դրանց շատ
են վնասում։

Այդ կողմերի հօտերի ոչխարները երկու ցեղի են. Ղա-
րաբաղի ոչխարի ցեղ ու բրդի կամ Արարատեան ոչխարի
ցեղ։ Ղարաբաղի ցեղի գլխաւոր և նշանաւոր յատկութիւնն
է, որ նրա միսը քաղցր է, անոյշ է. իսկ Արարատեան ցեղը
նշանաւոր է իր բրդի պատուականութիւնով։ Ղարաբաղի ոչ-
խարին անուանում են տեղացիները՝ հիրիկ, իսկ Արարատեան
ոչխարին կոչում են մաղեղ. Ղարաբաղի ոչխարի գլուխը հաստ
ու կռկատ է, ականջներն միայն տեղն է երևում, աչքերը
պլուզ են և վայրագ. իրանը գլորիկ է և հաւաք. դմակը
գունդ, կիսով չափ դուրս շրջուած, պոչը հագլւ նկատելի,
բուրդը կոշտ է, հաստ ու կարճ, գոյնը կարմրագոյն, սև և
գորշ, միսը պատուական։ Արարատեան ոչխարի գլուխը գե-
ղեցիկ է, ականջները երկար կախ ընկած, նայուածքը անոյշ,
իրանը կախ ընկած, դմակը կրկնակի, մեծ և փոքր, իրար
վրայ կախ ընկած, ունի փոքր պոչ, միսը հասարակ, բուր-
դը ընտր, երկար և նուրբ. գոյնը՝ մէկ տեսակինը բոլորովին
մաքուր ճերմակ, միւսը տեսակինը՝ կարմրագոյն։ Մագեղ կամ
Արարատեան ոչխարի կարմրագոյն տեսակի միսը աւելի լաւ
է քան սպիտակինը և նրանցից աւելի դիմացկուն են վատ
եղանակին և ուղեղնացութեան միջոցին, բայց բուրդը ստոր
է քան սպիտակինը։

Անասունների հիւանդութիւնից նշանաւորները սրանք
են. աղար կամ չոմա, տարափոխիկ. պատահում է մի քանի
տարին մի անգամ և ամբողջ նախերներ է փչացնում. դարդ—
կաշու հիւանդութիւն. պատահում է, երբ տարին չորային է
լինում կամ շատ խոնաւ. ընկնում են գլխաւորապէս ոչխար-
ները, ոտերից մէկի կամ միւսի կճղակների արտնքը վէրք է
գոյանում, որդնոտում կամ լեզուն է վէրքոտում. խոտացաւ
ընկնում են խոշոր և մանր անասունները՝ մանաւանդ գար-
նան, երբ նիհարած դուրս գալով գոմերից և սարի առատ,
թարմ, հիւթալից և ծաղկալից խոտը չափազանց արածելով,
փորերին ուռչում է, որից և մեռնում են. շատ անգամ օգ-
նում է, եթէ ուռած փորը ծակում են, վնասակար գագերը
դուրս են գալիս, կենդանին ողջանում է. Թորախտ. կենդանին

սկսում է սաստիկ հագալ և օրդներ դուրս թափել. քն է պատահում, որ դրանցից նրանք փրկուեն. քամի, որ է ընկմատեղմ. պատահում է ցրտահարութիւնից. կենդանու ոտերը բոլորովին կծկւում են. գիտ, պատահում է ոչխարներին, երբ նրանց ուղեղում գոյանում են մի տեսակ օրդներ. կենդանին սկսում է ուղիւ վազել այս կամ այն կողմը և արագ-արագ պտոյտ գալ. միակ միջոցն է մորթելը: Անասունները նոյնպէս հիւանդանում են ծաղկով և ջերմ ու փնդով:

Թուրքերը և քրդերը սարում եղած ժամանակ գրեթէ ոչինչ զբաղմունք չունեն, աւելի զուարճութիւնով, հարսանիքներով են անց կացնում իրանց ժամանակը. բոլոր աշխատութիւնները ամարանոցում համարեա կիներին վրայ է. կթել, մէրել, խնոցի հարել, հաց թխել, կերակուր հիփել, լուանալ և այլն: Միայն հողագործութիւնով չսարապող թուրքերը և բոլոր քրդերը ամառուայ վերջերը վեր են առնում իրանց գրաստները՝ եզ, էշ, ձի և գնում են Սրեան, Կողբ, Նախիջևան և բերում են աղ, միրգ, ծիրան, վարունգ, սեխ և խաղող ու այդ ամենը բազմապատիկ թանգ փոխանակելով աւելի և ցրենի հետ Նոր-Բայազիդի գաւառի դեղերում, այդ հեշտ միջոցով ձեռք են բերում իրանց ամբողջ տարուայ հացի պաշարը. այդ ժամանակ արօտներում մնում են միայն կիները և հովիւները:

Սարից ժողովուրդը քաշուելուց մի երկու շաբաթ առաջ էջմիածնի գործակալը և Սեանայ վարդապետը շրջում են հայրերի գոմաները և ժողովում են իւր, պանիր՝ յիշեալ վանքերի համար: Հայ մանրավաճառները նոյնպէս այդ ժամանակները ման են գալիս լեռներում և հաւաքում իւր, պանիր իրանց սալանքի գնով:

Օգոստոսի կէսին լեռներում եղանակն արդէն սկսում է հակուել դէպի աշնանայինը. ցրտում է. կանաչ արօտները դեղնած են շատ տեղերում. ամենաբարձր սարերի կատարներին մէկ-մէկ ձիւն է նստում. ամալ, մշուշ, տեղատարափ անձրևներ, մոռնի կարկուտ կամ ձիւնի գնդակներ, որին այստեղ ասում են խորիկ, և այլն: Անասնապահ ժողովուրդը արդէն սկսում է մտածել լեռներից իջնելու մասին:

Օգոստոսի երկրորդ կէսից նախ թուրքերը և հայերը սկսում են շարժուել և շարան-շարան տուն վերադառնալ. լեռներում տիրում է հետզհետէ ամայութիւն և տխրութիւն.

սաստկանում են գողութիւնները, վասն զի վերադարձող քրդերը և թուրքերը փախցնում են հայերի անասունները գիւղերներով և թաքչում են դաստարկուած լեռները ձերպերում և այրերում:

Ամենից վերջը սարերից հեռանում են քրդերը. սեպտեմբերի 15-ից նսեմ պտտիւր է ներկայացնում շուրջը, լռութիւն համակ, բազէները միայն պտոյտ են գալիս բարձր փապարներում. վայրը սև բաղերը, որոնք Սեանի տփերում էին ամառը՝ մեկնում են դէպի հարաւ. մարդիկ իսկ՝ տըրութիւնով են բաժանվում լեռներից: Մնում են սարերում միայն ոչխարները հօտերը իրանց հովիւներով, որոնք մօտները սաահում են միայն մի էշ, որը կրում է նրանց հացի պաշարը, իսկ իրանք հովիւները գիւղերները կուշ են գալիս մի որ և է ժայռի կտորի ներքև. սեպտեմբերին պարզ օրեր են լինում և լեռները կրկին թեթև կերպով կանաչում են աշնան մանր կանաչով և ծաղիկներով, որը արածում են ոչխարները մինչև առաջին մեծ ձիւնի գալը, որ արդէն մնում է մինչև միւս գարնան. այդ ժամանակ շուտով ոչխարներն էլ քաշվում են ձմեռանոց տեղերը կամ փախվում են լեռնային գոմերում ու չոր խոտով կերակրվում: Վաճառելու ոչխարի հօտերն էլ լեռներից ուղղակի ոչխարատէրերը մի քանի հօվիւների հետ տանում են վաճառելու գանազան քաղաքներ՝ մինչև Բաքու: Խոշոր անասունները դուրս չեն տանում ծախելու, այլ գնողները իրանք գանազան քաղաքներից գալիս են Նոր-Բայազիդ և այստեղից սկսած գնելով կով, եզ, ձի, պտաելով գիւղերը՝ գնում են մինչև Քալբաջար և ասլո յետ դառնալով՝ հաւաքում են գնած անասունները և նախը կազմած՝ հեռանում: Նոր-Բայազիդի գաւառի մի եզ կամ կով կարժենայ 12 բուրլուց մինչև 18. իսկ Քալբաջարի գաւառինը 18 բուրլուց մինչև երեսուն: Ձիի երամակներ՝ ունին միայն թուրքերը. իւրաքանչիւր թիւրք գիւղի արօտում միշտ լինում են 60—70 մտակ ձիեր, որոնց չեն բանեցնում, այլ պահում են միայն որ ծնեն՝ ձի վաճառելու համար:

Հէնց այս մի քանի համառօտ հաղորդած տեղեկութիւնները բաւական են, որ կարողանանք ասել, թէ մեր երկրում մեծ ասպարէզ և պատրաստ նիւթ կայ կանոնաւոր և ընդարձակ չափով անասնապահութիւնով պարսպելու համար, որ նա լինէր ոչ թէ մի խեղճուկ ապրուստի միջոց, այլ մարդավայել բարօրութեան և հարստութեան յորդաբուղի, մշտնջենական աղբիւր:

Ն. ՏԵՐ-ԱՒԵՏԻՔԵԱՆ

ՀԵՏԱՔՐՔԻՐ ՏԵՂԵԿՈՒԹԻՒՆՆԵՐ

Բուժինկայի լԺագուհու Հեղինակու թիւնը: Բումինիայի թագուհին, ինչպէս յայտնի է, պարապում է գրականութեամբ եւ իր գրուածների տակ ստորագրում է կեղծ անուն „Կարմէն Սիլվա“: Գերմանական Վիլհելմ կայսեր ծննդեան օրը բումինական թագուհին Կայսեր ներկայացրաւ իբրեւ նուէր մի գեղեցիկ դիւցազներգութիւն, բաղկացած հարիւր ոտանաւորներից: Այդ դիւցազներգութեան մէջ թագուհի — բանաստեղծուհին նկարագրում է համառօտապէս Վիլհելմ կայսեր կեանքը:

Դիւցազներգութիւնը գրուած է մազադաթի վրայ, զարդարուած հիանալի ծաղիկներով:

Լիւմենները լաւ պահպանելու համար, Խաւիսայում դնում են կաւէ ամանի մէջ եւ վրան ածում են հորի ջուր: Զուրը փոխում են ամեն օր եւ ամանը պահում հով տեղում:

Հին բրօնզի առաւելաներին նոր կերպարանք տալու միջոց: Նախ եւ առաջ պէտք է նրանց լաւ մաքրել կեղտից եւ փոշուց, յետոյ սրբել աղէ — թթուի մէջ թրջած քաթանէ սրբիչով (մի մաս աղի թթու, երկու մաս ջուր) յետոյ քսել պրովանսի իւղ, բըրթի սրբիչով:

Նաւթ: Նաւթի լամպները պայթելուց պահպանելու համար, ամենից առաջ պէտք է նրանց բոլորովին չլցնել նաւթով, որպէս զի շատ ջուր քանան. օդ տակար է նոյնպէս երբեմն երբեմն ածել լամպի նաւթի մէջ քիչ երկածխածնուային նստոր (սօղա): Նաւթն այրելու ժամանակ հոտը ոչնչացնելու համար, ամենալաւ միջոցն է նաւթի ամանի մէջ մի կտոր շաքար ձգել:

Ամերիկայի Սենատի անդամ Ստանդօրֆը նուիրել է 20 միլիոն դոլլար (40 միլիոն ռուբլի), որ իր հայրենիքում հիմնեն բարձրագոյն դպրոց (համալսարան տեխնիքական դպրոցով): Դպրոցը պէտք է կառուցուի Ա. Ֆրանցիսկոյի մօտ Մէնլօի սքանչելի այգեստանում: Այդ միւլենոյն տեղը պէտք է կառուցուին երկու սեռի համար նախակրթարաններ: Բոլոր այդ դպրոցները հաւասարապէս իրաւունքներով պէտք է ընդունեն թէ տղայոց եւ թէ օրիորդների: Շինութիւնները պէտք է լինին հսկայական եւ շքեղ: Ա. Ֆրանցիսկօ պէտք է միանայ երկաթուղիով Մէնլօյի հետ: Աշխարհիս երեսին ամենամշանաւոր պրօֆէսորները պէտք է դասախօսեն այդտեղ:



Հ Ա Ն Ե Լ Ո Ւ Կ

Ո՛չ աչք ունիմ ո՛չ բերան,
Թուլթակի պէս կըխօսիմ,
Ոտք ալ չունիմ իբր գազան,
Քաղքէ քաղաք կըշրջիմ.
Խի՛նդ, վիշտ լիմ ծոց են թաքուն.
Ի՞նչ է արդեօք իմ անուն:

Առաջ. Միհրան Քիւրքճեանց.

ԱՌԱՋԱՐԿՈՒԹԻՒՆ

Ե.


Մեր Հասարակ անունների սեռական հոլովը կազմվում է՝ ուղղականի վրայ մէկ ի աւելանալով, այլև ՈՒ, եթէ ուղղականի վերջաւորութիւնն է ի, ինչպէս՝ գարիի կամ դարու, զինիի կամ զինու: Այստեղից պարզ երևում է, որ սեռականի ի գիրը աւելանում է ուղղականի ի գրի վրայ, իսկ ՈՒ-ն չի աւելանում ի-ի վրայ, այլ փոխանակում է նորան, այսինքն՝ սեռականը չի դառնում դարիու, զինիու, այլ՝ դարու, զինու: Արդ գտէք յաճախ գործածվող ի վերջաւորութեամբ բառեր, որ սեռականի վրայ աւելանայ ու, առանց ի-ն կորցնելու, և ուրիշ բառեր էլ գտէք՝ դարձեալ ի վերջաւորութեամբ, որոնց կարելի չլինի ոչ ՈՒ և ոչ ի աւելացնել, այլ՝ ՍԻ, ինչպէս՝ երկու, երկուՍԻ: Գտնելուց յետոյ իմացէք նաև դրանց այդ ձևն ընդունելու պատճառը:

Ղարաբաղի բարբառին տեղեակ ուսանողներին առաջարկում ենք՝ գտնել այդ բարբառում մի յաճախ գործածուող բառ, որի սեռական մասնիկը փոխանակ ի կամ ՈՒ լինելու, լինի՝ ՉՈՒ:


Ղ*

Առաջ. 3. Տէր-Յովհաննիսեան.

Այս ցանցերի մէջ պէտք է տեղադրել.— 2 կ, 3 պ, 4 ա, 2 չ, 1 ն, 1 ս, աչնպէս որ ինչ բառեր կազմվում են վերևից ներքև կարդալիս, նոյն բառերը կազմուին ձախից աջ կարդալիս:



Ր Ե Ռ Ո Ւ Ս



ՂՈՒՏԱՍԵԼՈՒԿ

Պատուհանի բաց փեղկը պէտք է փակես փակ փեղկը պէտք է բանաս:

Նախընթաց Համարի Գ. առաջարկութեան պատասխանը չստացանք, իսկ չորրորդ առաջարկութեան պատասխան շատ տեղերից ստացանք, միայն մեծ մասամբ զրաբար, ինչպէս՝ Հատ, մուտ, Լայլն, բացի երկուսից՝ ինչպէս՝ արի, բաց: Մենք դեռ կսպասենք, զուցէ Կտնողներ լինին:

Խմբագիր-Հրատարակիչ՝ ՏԻԳՐԱՆ ՆԱԶԱՐԵԱՆՅ